

Jennifer Reyes-Arends, miembro di parlamento

“Awor mi tin un compromiso cu e pueblo den Parlamento di Aruba”



ORANJESTAD – Pa Sra. Jennifer Reyes-Arends, miembro nobo di parlamento di Arubaanse Volkspartij (AVP) ayera tabata un dia grandi, unda su persona a huramenta como miembro nobo

di Parlamento di Aruba. Tur e lunanan cu el a traha y cana den pueblo el a scucha pueblo a dun’e un sentido di compromiso y responsabilidad cu e pueblo. Y ayera na momento cu e huramenta tabata

e comienso unda e por implementa na tur e cosnan cu el a bisa durante hopi aña unda e lo ta desea di contribui y aporta na miho sistemanan di leynan y cosnan cu no ta cana manera mester ta. “E sentido di responsabilidad y compromiso ta cuminsa awe”, Reyes-Arends a bisa **BON DIA ARUBA** despues di a caba di huramenta.

ENSEÑANSA Y ASUNTONAN SOCIAL

E area unda Reyes-Arends ta enfoca ta enseñansa y ta esaki ta acopla cu e parti social.

“E parti di enseñansa obligatorio, hopi di e casnan cu mi a bishita, habitantenan ta desea di mira esaki mas miho riba pia y mi ta kere cu ta algo cu nos tin cu traha hopi duro riba dje”, Reyes-Arends a bisa. E ta remarca cu ora nos tin muchanan cu pa un of otro motibo no ta bayendo scol, mester pone atencion riba e problema social cu ta bibando den nos pueblo pa asina sigui traha riba esaki.

“Esey ta e meta tambe cu mi tin akiden pa traha pa bienestar di Aruba, en general”. □